

增修藍田縣志序



余僻居頓邱固陋寡聞舉凡名山之勝大川之廣從未一寓目閱歷於乙巳歲春

命來藍抵孟津見其黃河曲折過函谷觀夫華嶽巍峩不禁低徊者久之緣到任期迫每以未獲遊覽爲恨未幾入藍境界見夫玉山兩峰競秀直與華嶽並其崔巍瀾水一

藍田縣志

增修序

脉常流堪與黃河同其浩蕩白鹿之勝蹟已往而叢木繁陰嘉禾滿目猶有繡嶺之休風輞川之故址無存而田飛白鷺樹嘯黃鸝不減唐人之雅韻以至高崖滴露野花出蕊真令人如歷山陰道中也因思山明水秀必有達人哲士挺生其間爰取誌而披覽之其間名垂竹帛功著史冊者固

代有偉人卽草野之中型仁講義節孝堪
傳者亦指不勝屈余不禁喟然嘆曰地靈
人傑亶其然乎奈此誌之修至順治庚子
而止由庚子至今已七十餘年矣而此七
十餘年中豈無功業可傳懿行可法者及
今不修設一旦老成凋謝史冊無存則此
七十餘年之忠臣孝子義夫節婦必且泯
沒於荒烟蔓草中可勝悼哉余於是急欲
增修而補葺之夫何逆虜蠢動西陲辦理
軍需孔亟兼以簿書鞅掌日無寧晷遂有
志而未逮茲於

龍飛之八年我

皇上表彰懿行加意搜羅

命修一統通誌而三秦各憲大人仰體

聖心開館纂修噫 各憲大人當軍興旁午之

際尚不憚表微闡幽之勞予小臣守茲百里寧敢辭修廢補缺之瘁哉藍誌之增修實余之責也夫實余之責也夫適同宗之明經諱大捷字月三者自幽西來余於道故之賤酌酒共商月三氏告余曰否否邑之有志猶國之有史也史必核其實誌豈

藍田縣志

增修序

三

可徒循其名乎必博採故老訪詢輿評而後其行爲有據其事爲足徵固不徒以文詞見長也必令邑之縉紳先生謀之而後可予曰唯唯遂詣邑之縉紳周君諱琬孝廉張君諱士淳王君諱有翼明經韋君諱東易臧君諱益溥以及文學之士若孫子乃駒周子盛嗣王子于京與之共相商確

而諸君子亦與余有同心或訪之故老或
詢之輿情旁搜記載不辭風雨之勞廣求
懿行竭盡心志之苦舉凡七十餘年之
皇恩惠澤賦稅之酌盈劑虛以及縣治中之或
創或因無不一一而畢具焉豈曰余敢妄
作以自取罪戾哉正以仰體

聖天子表彰至意 各憲臺開館盛心更望後

藍田縣誌

增修序

四

之君子接踵其事遺者補之新者序之共
成一邑之典籍以相傳於不墜云爾

皆

雍正八年歲在庚戌七月既望知藍田縣
事頓邱李元昇東杲氏書於敬事堂



藍田縣誌序

余閱之上古結繩之風既邈而
書契遂興厥後著述漸繁而經
史繼之矣故左史記事右史記
言下邇晚近稗官野史雜說
而各終之紀載將以垂志不朽

叙

也矧縣誌為國家著述之要用
以稽古而體今者乎是以縣之
誌在之有之矣藍邑為秦地僻
壤騷人韻士造之皆托足焉至
俗尚朴其氣多抗三古之風猶
存若海萬載之檀者寥々其人

清

而已故百年以來浩無振奮於
天衢者豈天獨畱此一方乎亦
由人文之率不先而凋弊遂至
於此也其於不朽事業誰起而
繼之耶獨吾

朝御極百度維新人文丕變

叙一

八

俗尚士風駿之大有起色于是
百年名世遂應運而興矣殆亦
元會運數之召拉而恭來者也
余于己亥八月秌單騎就邑晉
見山水之秀風俗之雅天恩昔
年景慕之想第以簿書猥瑣不

得與閒雲野鶴同作飛觀惟詢
之高賢訪之者若僅識其里其
鎮為本邑之疆圍其山其川為
本邑之瞻望終屬摹索未能扶
筇躡屐使佳山勝水粲若列眉
判若指掌也會

三

許棻臺有通脩秦省之舉檄取
續志余躬請鄉先生與諸君子
酌議但求之舊誌久已湮沒而
無遺使博古者無所徵而握管
者靡所藉矣于庚子春掃閭軒
於張氏藝圃其間名花異卉之

植干霄蔽日之枝纒細曲折之
枝亦足以發人幽趣動人逸興
者爰質之二三同志相與朝夕
晤言搜訪群籍研精汰濁斥陳
引新與夫名勝之奇觀高墮之
芳躅悉為拈補而圖繪焉余

叙四

向之醉心于藍水玉山者披覽
一過捫卷巡思恍若桃源乍歸
華胥初覺雲山草樹都堪記憶
也茲特校之剞劂集為四卷傳
之當世皆曰藍誌茲今可傳者
不致遺珠而可畧者無容涸璞

雖不得與大人先生金鈞玉勒
媲美芳踪而亦大有裨於國計
孝耳後之緒是編書或以公東
貢職方並垂不朽哉然為之攷
較而續述女楊君表樸周君定
虞也相與咨訪取裁則張子文

叙五

運文進我韻博學而子家駒孫
子一鵬諱生也余則搃其大概
云

測海郭顯賢天孫氏撰



藍田誌序

邑有誌如國有史也地里則誌
風物則誌政事沿革則誌歷世
忠孝節義則誌昆虫草木凡可
以適用者事雖細則又誌蓋大
之等其圖於遷臺營洛小之備

周序

其理於山經水注上以考治而
下以維俗誌之作也顧不重哉
顧不重哉是以前人有志於斯
者極意經營而恐其不可信可
信矣復恐其不能遍及於世於
是本乎身之所履目之所見耳

之所聞藏書之所紀載長老之
所誦說博訪之立訂之需之歲
月始獲完集然後登之於板以
代筆墨所不周而又懼後此莫
繼終歸於畫往往以纂述之事
更俟諸後之君子作者之慮蓋

周序

若斯其深且遠也使處其後者
享其逸不念其勞任其或存或
亡而殘闕不理不亦守者之過
歟即如藍之名始於秦漢隸京
兆晉城之至後魏而更為郡此
後又幾變迨貞觀三年仍為縣

了明迄今未有改也而邑之有志弘治中始自任公同其事者實惟雙溪輞川兩榮先生為最著萬曆年間復脩於沈公而邑之縉紳大夫與其多聞之士又復有勞自弘治至萬曆百餘年

周序

三

而誌凡兩易自萬曆及今歷代二厯年六十其間軼聞懿事一無所緒列夫無所緒列猶可言也而且前所為述相著述者漸為泯沒可勝悼哉余嘗遊名山大川所過都邑一切風景人物

可寄賞慕每憑吊之不能去云
況生長斯土感懷愈切即不敢
謬附作者之林而又柰令古今
名勝煌煌典冊至此而竟任其
湮沒不彰也已亥北歸搜遺書
訪諸故老家僅得舊誌數葉泱

周序

四

日月而集之有出一二副者有
一半副者重則去缺則補失次
則序終祇乎其不能無闕遺之
憂矣廼邑侯天孫郭公自下車
即愜然以邑誌為念蓋亦同慨
古道之失傳而往集之難觀也

越明年春日於張子藝圃偕衆
樸楊君復問愚並囑愚共脩愚
謝不敏歸而掇篋中所蓄與張
子文運文進謝子家駒張子博
學孫子一鵬定次以應抑以此
求不失作者之志乎若夫編其

集新其制易俸以償其梓人令
前美重光於星日後芳共昭於
雲漢繼太史之遺而應採風者
之所求則固吾邑侯郭公事也

省

順治歲次庚子孟秋吉日

賜進士吏部觀政通家治生周
良翰頓首拜題



周序



藍田縣誌目錄

卷之首

星野圖

王聖圖

縣治圖

文廟圖

卷之一

星象

山川

藍田縣誌

目錄

風俗

疆圉

古蹟

建革

內附城郭
坊表
寺觀

官署
書院
田賦

儒學
學田
水利

雜建
陵墓

市鎮
祠廟

卷之二

帝王

內附封爵

宦績

才賢

內附封贈

隱逸

流寓

卓行

卷之三

文集

一十九首

卷之四

題詠

一百四十首

物產

外附

紀事

外附

藍田縣志

八目錄

終目錄終